

Script of Morning Gojri News Bulletin 09 November 2025 at 1015Hrs

ما رننگ گو جری نیو ز بلیٹن مو رخہ 09 نومبر 2025

یوہ آکا شوانی جموں ہے محمد امین انجم تیں خبر سنو۔

LG Lit. Festival

لیفٹنٹ گورنر منوج سنہا نے گازی پور مانہہ اک ادب میلہ نال خطاب کیو۔ یوہ میلو بھارت ڈنلاگ غی طرفوں منعقد کیو گیو تھو بھارت اور ملک تیں باہر رہن آلا بھارتی لکھاڑیاں اور ادیبیاں سنگ خطاب کرتاں واں لیفٹنٹ گورنر نے سماجی تعلقات مضبوط بنان واسطے بروبری انصاف اور بھائی چارہ نانہہ بابدو دین غی خاطر لکھاڑیاں اور ادیبیاں غا کردار ور زور پایو۔ اس پیش رفت چلان غا سلسلہ مانہہ ادب غی طاقت اُجاگر کرتاں واں موصوف نے کہیو جے علم اور تنقید سوچ غے ذریعے سماج نانہہ لازمی طور ور اک چلتا دریاں ہاروں متحرک رہنو چاہیے۔ لیفٹنٹ گورنر نے شہریاں نانہہ کہیو جے ویں بشمول علم، ایجاداں نانہہ بابدو دین نوجواناں نانہہ باختیار بنان اور اک بھارت سریشٹھ بھارت غی روح نانہہ ترقی دین 10 قرارداداں ور توجہ مرکوز کریں۔

Dy CM 4th Bridge

نائب وزیر اعلیٰ سریندر چودھری نے گئی رات بھگوتی نگر مانہہ واقع چوتھا توی پُل غو دورو لایو، تے اُت چل رہیا بحالی غا کم غو جائزو لیو۔ دورہ غے دوران انہاں نے پیش رفت غو جائزو لیتاں واں مرمتی کم غی رفتار ور فکر مندی غو اظہار کیو۔ نائب وزیر اعلیٰ نے عہدیداراں نانہہ ہدایت کی جے ویں ویلے سر پروجیکٹ غی تکمیل یقینی بناویں۔ اس سلسلہ مانہہ حکام نانہہ ہدایت کی گئی ہے جے ویں کم غی رفتار تیز کریں نالے معیار برقرار رکھیں۔

SIA Narco Terror

تحقیقات بارے سٹیٹ انوسٹیگیشن ایجنسی ایس آئی اے جموں کشمیر نے اک بڑی پیش رفت حاصل کرتاں واں ممبئی ہوائی اڈا تیں نشیلی دوائیاں غی اسمگلنگ کرن غا سلسلہ مانہہ سرغنہ گرفتار کیو ہے۔ اک سوشل میڈیا پوسٹ مانہہ ایس آئی اے نے جانکاری دتی ہے جے محمد ارشاد عرف آصف گراں دگوار تیزواں تحصیل حویلی پونچھ غو بسنیک ہے وہ 2023 تیں فرار چل رہیو تھو تے سعودی عرب تیں کم کرے تھو اور وہ نشیلی دوائیاں غا سلسلہ غو سرغنہ تھو، نالے جموں کشمیر غے اندر نشیلی دوائیاں غی سپلائی بارے پاکستانی بنیاد غا اسمگلراں بشکار کلیدی رابطو تھو۔ اس تیں پہلاں اُس غے خلاف غیر ضمانتی وارنٹ وی جاری ہوئو تھو۔ قابل ذکر ہے جے اس جنا غی گرفتاری نشیلی دوائیاں غے خلاف لڑائی غا سلسلہ مانہہ اک بڑی پیش رفت منی جا رہی ہے۔

By Polls

نگروٹہ تے بڈگام اسمبلی حلقاں مانہہ ضمنی چنائو غا سلسلہ مانہہ چنائو پرچار اج شام ویلے ختم ہو رہیو ہے۔ چنائو کمیشن غی رہنما خطوط غے مطابق پرچار ختم ہون تیں بعد

ان حلقاں مانہہ پرچار غی مہم واسطے اجازت نہیں وے گی۔ اس کا روائی غو مقصد آزاد تے منصفانہ چنائو یقینی بنانو اور نگرہ تے بدگام اسمبلی حلقاں مانہہ غیر جانبدار چنائو ماحول بنانو ہے۔ ہفتاں تک چلی تگڑی سیاسی سرگرمیاں تیں بعد ہون سیاسی جماعتاں غی توجہ چنائو تیارا یعنی 11 نومبر در مڑ گئی ہے۔ جد ان 2 اسمبلی حلقاں مانہہ لوک چنائو لڑن آلا امیدواراں غی قسمت غی فیصلو کریں گا۔

BSF Marathon

اپنی قسم غی پہلی جموں بی ایس ایف میراتھن 2025 منعقد کی گئی ہے۔ یاه دوڑ سرحدی حفاظتی دستہ بی ایس ایف جموں غی طرفوں منعقد کی گئی ہے۔ جس نانہہ اج سویر سرحدی حفاظتی دستہ غا ڈائریکٹر جنرل دلجیت سنگھ چودھری نے بی ایس ایف کیمپس پلوڑہ جموں تیں جھنڈی دس غے روانہ کیو گیو۔ یاه میراتھن دوڑ بکھ بکھ زمران مانہہ منعقد کی گئی ہے۔ جن مانہہ 42 کلو میٹر، 21 کلو میٹر، 10 کلو میٹر اور 5 کلو میٹر غی دوڑ شامل ہے۔ اس دوڑ مانہہ جموں غا سرحدی علاقان، نزدیکی ریاستاں تے ملک پھر تیں آیا 6 ہزار تیں متا افراد نے حصو لیا ہے۔ اخباری نمائنداں نال گل کرتاں واں بی ایس ایف غا ڈی جی نے کہیو جے اس میراتھن غو مقصد تندرست رہن واسطے روح جگانی اور نشیلی دوائیاں تیں آزاد ملک بنانو ہے۔

CS Udhampur

چیف سیکریٹری اتل ڈلو نے کل ضلع اڈھم پور غو وسیع دورو لایو۔ دورہ غو مقصد بکھ بکھ سیکٹراں مانہہ چل رہیا ترقیاتی پروجیکٹاں غی پیش رفت غو جائزو لینو تھو۔ اس موقع ور ضلع انتظامیہ نانہہ ہدایت کی ہے جے واہ سڑک رابطہ بہتر بنان ور توجہ مرکوز کرے۔ نالے دڈ بسنت گڑھ علاقہ مانہہ مو بائل ٹاور نصب کرے۔ موصوف نے تمام محکماں نانہہ کہیو جے ویں تمام اہل مستفید افراد نانہہ سرکاری اسکیمیاں غا دائرہ مانہہ لیانو یقینی بناویں۔ تعلیمی سیکٹر غو جائزو لیتاں واں چیف سیکریٹری نے چیف ایجوکیشن افسر نانہہ ہدایت کی جے تمام اسکولاں مانہہ معیار تعلیم یقینی بنائی جائے۔

Lavendra Cultivation

خوشبو اور خوبصورتی بارے سیاحت نانہہ باہدو دین غا سلسلہ مانہہ قومی شاہراں بارے اتھارٹی این ایچ اے آئی نے جموں سرینگر قومی شاہراہ ور بانہال تے قاضی گنڈ بشار اتھارٹی این ایچ اے آئی نے جموں سرینگر قومی شاہراہ ور بانہال تے قاضی گنڈ بشار 16 کلو میٹر حصہ ور لوینڈر غا بوٹا لانو شروع کر دتا ہیں۔

اس غے نال ہی خبراں غو یوہ بلیٹن ختم ہوو۔